



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Alternativa.

urn:nbn:de:hbz:466:1-10447

Respondetur, quòd sic; sed si inde sequatur mors, vel mutilatio, fit irregularis, Navar. *conf. 6. an cler. vel monach.*

Secundò, Advocatus, vel Procurator obligati ad defensionem causæ, non videntur obligati ad defendendum causam appellationis. Vide Gom. *in c. si. notab. 1. de testibus, lib. 6.* & pro primo citat Arch. pro secundo Joan. And. quod nota in facto.

ALTERNATIVA.

Primò, si quis habet beneficium, & postea assequatur secundum, & per istam assecutionem vacet primum in mense Papæ, & an valeat alternativa, ita ut non posset illud conferre Episcopis?

Respondetur, quòd si vacet in mense Papæ, non potest illud conferre Episcopus, ideo sit cautus Episcopus, ut faciat cadere possessionem secundi in mense, in quo ipse potest conferre, alias non posset, Navar. *conf. 18. nu. 3. de prab.* & idem observare debet Episcopus, quando privat aliquem clericum beneficio, faciat cadere privationem in mense suo; ad hoc, ut possit de illo ipse disponere, & sic ego practicavi, dum essem Vicarius Compzæ, quando privavi quendam presbyterum Canonicum in Archiepiscopali Ecclesia Compzana, propter residentiam non præstitam, & feci incidere illam privationem in mense Archiepiscopi; nam alternativa habet locum non solum in vacationibus per obitum, sed per asse-

cutionem secundi incompatibilis, per renunciationem, matrimonium contractum, & religionis ingressum.

Secundò, à quo tempore incipit currere alternativa Episcopi?

Respondetur, nisi postquam eam acceptaverit authenticam à datario, & fides ejus acceptionis perveniat ad datarium, & mortuo Papa concedente, expirat, quando datur ad beneplacitum Sedis Apostolicæ, quia tunc durat usque ad novam reservationem per Papam successorem faciendam, Navar. *conf. 31. num. 2. de prabend.*

Tertiò, utrum Episcopi habentes alternativam, amittant eam, si deinde habuerint indultum à Papa conferendi beneficia in omnibus mensibus, si conferunt beneficia vigore indulti?

Respondetur, quòd non, Caputaq. *decis. 309. part.* Ratio est, quia per indultum, quod est privilegium particulare, & odiosum, non amittitur jus ordinarium, quod est jus favorabile, ut patet.

Quartò, utrum Episcopi absentes gaudeant alternativa?

Respondetur, quòd non, nisi residentes. Pius V. *Bull. 164. & 165.*

Quintò, an dies termini computetur in termino in hac alternativa, v. g. Papa reservat sibi omnia beneficia vacantia à die prima Martii, an contingente vacatione illa die poterit Episcopus conferre?

Respondetur, quòd non, quia mensis currit totus utilis Papæ; nam per reservationem regularem sibi semper reservavit octo menses, per reservationem

nem alternativam sex; ita Nav. d. conf. 31. num. 4: de prebend. quod nota pro fallentia illa, qua dicitur dies termini non computari in termino. Confirmatur per ea quæ dicit Gom. in cap: cupientes; §. hac genera. ver. quæro an dies in quo, de elect. l. 6: & melius in c. sicut tempore, ver. quæro à quo, de elect. l. 6. ubi dicit reservationem habere vigorem ab illo momento temporis, quo emanat reservatio.

ALIENATIO.

Primò, si quis alienaverit bona Ecclesiæ, reservato assensu Apostolico, si & quatenus opus est, prout passim solet apponi in huiusmodi contractibus, an valeat ista alienatio?

Respondetur primò, quòd si alienatio est de permisis, prout in *exterrulas*, 12: q: 2. & in solitis alienari in evidentem Ecclesiæ utilitatem, non est opus illa clausula, Si, & quatenus opus est, nisi adsit assensus Ordinarii, prout dictum est *superius*, in 1. par. ver. alienatio, §. 1, 3, 4. & 5. & si verò alienatio est de rebus, in quibus opus est beneplacito Apostolico, non potest mandari executioni, nec fieri traditio, nec alienata, vel permutata, nisi prius veniat assensus Apostolicus, aliàs incurreretur poena, prout in *Extravag. ambitiosè*, Navar. conf. 1: de reb: Eccl: non alien: & ratio est, quia quousque veniat assensus Apostolicus, contractus est conditionalis, ita etiam Nav. conf. 9: de empr: & vend. & hodie in regno dicta Extravagans est usu recepta, quoad om-

nia. ita in practica communiter servatur.

Secundò, si quis legaverit centum alicui collegio, vel capitulo, cum hoc, ut singulis annis in perpetuum celebraretur anniversarium pro anima illius, an possit collegium sive capitulum illam pecuniam legatam dividere inter Canonicos, vel presbyteros præsentibus?

Respondetur negativè, sed debet converti in annum censum, prout in *Clem: exivi*, §: cumque annui census: quia debet servari pro futuris presbyteris, per *regulam, qui sentit commodum*, de reg. jur. & *Matth: 5: in vinea Domini*, &c. & per cap: cum secund: Apost: de preb: Nav: conf. 8: de reb: Eccles. non alienand.

Tertiò, utrum Prælatus faciens incidere arbores fructiferas, & non fructiferas, sine consensu Capituli, vel Abbas sine consensu Conventus, & absque causa necessitatis, sit ipso jure suspensus ab officio?

Respondetur, quòd sic, *Clem: 1: de reb: Eccles. non alien: Nav: conf. 5: & 7: de reb: Eccles. non alienan.*

Quartò, pecunia quando dicatur expensa in Ecclesiæ utilitatem, vel non in præjudicium successorum?

Respondetur, quòd hoc dubium movetur propter decretum sac. con. *Trid. sess. 25. cap: 11: de resor: nam ponamus quòd Canonici, vel rectores ecclesiarum concedendo terras, vel loca Ecclesiæ aliis, acciperent pecuniæ quantitatem, an hoc sit in Ecclesiæ utilitatem, vel successorum præjudicium?*

Dico